

# Bapa, anak konvo bersama

**Serdang:** Perancangan mereka direstui Tuhan. Pepatah ini sesuai menggambarkan kesyukuran dan kegembiraan dua beranak apabila rancangan mereka untuk menamatkan pengajian masing-masing pada waktu sama direalisasikan.

Raja Othman Raja Ismail, 57, menerima Ijazah Doktor Falsafah (PhD) Bahasa Melayu pada Majlis Konvokesyen Universiti Putra Malaysia (UPM) ke-38 di universiti itu, di sini, semalam bersama anak keempatnya Raja Mohamad Fauzi, 23, yang tamat pengajian bidang perakaunan.

Menurut Othman, dia memulakan pengajian itu kira-kira lapan tahun lalu se-



**RAJA Mohamad Fauzi mencium pipi ayahnya, Raja Othman pada Majlis Konvokesyen UPM ke-38, semalam.**

belum memberi dorongan kepada anak pertama dan kedua untuk turut sama berusaha ke arah mendapatkan gelaran 'Dr'.

Bagaimanapun, anaknya berjaya menamatkan pengajian lebih awal dan kini bertugas sebagai doktor perubatan di Hospital Selayang sementara anak ketiga ma-

sih mengikuti pengajian di peringkat PhD.

"Melihat kejayaan anak mendorong saya untuk segera menamatkan pengajian ini yang sudah lama saya ikuti dan saya fikir saya boleh menamatkannya bersama anak keempat memandangkan dia juga sedang belajar di sini (UPM)," katanya.